

DAT MET UNS ZWEI

Musik: M. Müller; E. Bosen
Text: M. Müller; M. Brück

Et wor widder su ne Ovend
en d'r Kneip an minger Eck...
op einmol jing die Dür op
un ich daacht' ich weed verröck
Do stund' s Du do - met nassem Hoor,
wie en Sphinx em Neonleech -
mie Hätz schlug bes zom Hals,
un ich wor wie elektrisiert.
Du häs mich anjelaach zom Hätzerweiche -
als kannte mir uns schon en Iwichkeit...

Dat met uns zwei - dat es dä Wahnsinn
Dat met uns zwei - dat es verröck
Dat met uns zwei - dat kann doch nit woehr sin
Dat met uns zwei - dat es mie Jlöck..
dat met uns zwei

Ich han zick däm bes hück
keine Daach met Dir bereut -
Och wenn mer't manchmol kraache losse,
blieve mir uns immer treu.
Einmol bowe, einmol unge
oder och em Labyrinth,
han mir unsre Wääch jefunge,
weil mer su sin wie mer sin
Dat „Codewood“ heiß' „*VERTRAU' OHNE ZO FROGE*“,
op dat mer sich ganz blind verlosse kann ...

Dat met uns zwei - dat es dä Wahnsinn

E Lewe ohne Dich es unvürstellbar,
d'röm bliev' bei mir - bes en die Iwichkeit

Dat met uns zwei - dat es dä Wahnsinn